
HERNANI. UDAL AURREKONTUAK 2016: Proposamenak egiteko saio irekiak

-2015-04-23. SAIOAREN AKTA-



BILERAREN XEHETASUNAK:

- Bilera zenbakia: 2
- Xede taldea: Kultura (kultur baliabideak, programazioa, kultur ekintzak, musika, antzerkia, argazkilaritza, dantza...), Hezkuntza, Hizkuntza, Gazteria eta Hirugarren adina.
- Data: 2015-04-23
- Lekua: Biteri Kultur Etxea
- Hasiera ordua: 18:00
- Amaiera ordua: 20:00

DINAMIZAZIOA:

- Parte hartzaile kopurua/: 8 herritar, 3 gizon eta 5 emakume. 4 teknikari eta ordezkari politiko 1.
- Dinamizatzaileak: Arkaitz Martinez de Albeniz eta Maitane Barrenetxea

1. ONGI ETORRIA ETA AURKEZPENA

Luix Intxauspe Hernaniko alkateak saioari hasiera eman dio. Lehengo urtean abian jarritako esperientzia jarraituz, aurtengoan ere Erabaki Hernani Decide prozesua martxan jartzea erabaki dugu. **Herritarrek Udal politika publikoetan duten partaidetza sustatzeko eta herritarren artean beste kultura politiko bat sortzeko** asmoarekin abiatu zen prozesua.

Lehengo urteko prozesua izan zen azken urteetan Aurrekontuarekin zerikusia duen lehendabizikoa, eta orduan esan zen bezala, **urtez urte errepikatzeko asmoarekin** sortu zen. Urtetik urtera ere prozesuan erabakigai jarriko diren atalak zabalduz, etab.

Alderdi ezberdinen artean adostutako prozesu bat izan da, eta hartutako konpromisoa honela laburtzen da:

- Udal Aurrekontuaren inguruko eztabaida eta erabaki prozesurako **500.000€** izango ditugu aurten.
- 500.000€ hauetatik 50.000€ izango dira urtez urte errepikatzeko diren proposamenetan. Proposamen mota hau 3 urtetik behin errebisatuko da.


Udalean nagusi diren **3 alderdi politikoaren adostasunarekin** abiatu da aurten prozesua, beraz, EAJ-PNV, PSE-EE eta Bilduren babesa du prozesuak.

Prozesu honetako lanketa metodologiko eta teknikoaren ardura **Aztiker** Ikergunearen esku egongo da. Euren laguntza izango dugu dinamizazioan eta prozesuaren lanketa teknikoan.

Aurkezpenaren ondoren, lehengo urtean Erabaki Hernani prozesuan atera ziren proiektuak errepasatu ditu Alkateak:

2015EKO AURREKONTURAKO PROIEKTUA	EGUNGO EGOERA
Herriko parke eta kaleetan edukiontzi gehiago jarri (14 multzo inguru)	Edukiontzi gehienak jarri dira, auzoetako ordezkariekin hitz egin ondoren, beharrezkoak ikusi diren puntuetan, besteak beste Lizeagan, Zikuñagan... Oraindik batzuk jartzea falta da.
Behar bereziak dituzten haurren integrazioa eta sorkuntza lantzeko dirulaguntza	Diru laguntza eman aurretik oinarri batzuk prestatu behar dira diru laguntza horiek emateko baldintzak zehazten, etab. Lanketa hori egiten ari dira momentu honetan, eta espero da lehenbailehen argitaratzea.
Herriko oztopo arkitektonikoak lantzeko Irisgarritasun partida handitzea	Koxkak urtero izan ohi duen 30.000€ko partida aurtengoan 60.000€koa da. Hainbat hobekuntza eta lanketa egin dira dagoeneko, Udaletxe eta Elizako tunelaren ondoan egin den Ranpa dugu horren adibide. Hala era, kantitate hau urte osoan zehar kudeatzen jarraituko dute, hobekuntzak eginez toki ezberdinetan.
Herriko haur parkeren bat estaltzea	Herriko haur parkeen inguruko azterketa bat egin da, bakoitzaren azpiegitura, erabilera, etab. ezagutzeko. Erabaki da ziurrenik atletismo pistan dagoen parkea estaltzea. Uda ondoren hasiko dira obrak, urria aldera.
Zinkoeneatik Floridako tren geltokiraino bidea argizatzea	Argiztapena berritu da Zinkoeneatik Floridarainoko bide guztian. Farola berriak dira, gehiago eta hobeto argitzen dute.
Indarkeria jasaten duten emakumeentzat arreta psikologiko eta juridikorako zerbitzua sortzea	Gipuzkoako Foru Aldundiarekin batera lantzen ari dira proposamen hau, eurek eskaintzen duten zerbitzuekin konpatibilizatzeko. Aldundiarekin azken xehetasunak adosten direnean jarriko da martxan.
Komun publiko bat gehiago jarri	Komuna non jarri erabakitzeko oinezko ibilbideak aztertu dira, baita parkeak ere. Honen ondorioz erabaki da Atletismo pistaren inguruan jartzea komun hau. Oraindik ez dago zehaztuta obrak noiz hasiko diren.
Esertzeko banku gehiago jartzea (10 inguru) eta dauden batzuk altueraz igo	Banku gehienak jarri dira, baten bat falta da jartzeko, Urbieta kalean batzuk, herriko beste hainbat lekutan besteak.
Saskibaloian aritzeko kanastak jartzea altuera baxuan bai haurrentzat bai gurpildun aulkian daudenentzat	Oraindik ez da zehaztu non jarriko diren.
Plaza berriko lurra aldatzea ondoko kaleetan dagoen granitozko lurra jarriaz	Plaza berriko lurraren obra duela bi aste hasi zen. Ekainaren 6rako bukatua egotea espero da.
Etxegabetze arrisku egoeretarako kreditu poltsa bat sortzea	Kreditu poltsa bat sortzeko baldintzak aztertzen ari dira juridikoki. Izan ere, kreditu poltsa horretatik dirua emateko baldintzak zehazten ari dira momentu honetan. Horrez gain, ondoren dirua bueltatzeko baldintzak pentsatu behar dira. Lanketa hau Stop Deshauciosekin batera egiten ari dira.
Alokairua sustatzeko dirulaguntza	Gazte Kontseiluarekin eta Stop Deshauciosekin landu dute proposamena. Nahiko aurreratua dago baina Uztaile arte ez ateratzea aurreikusten da (gazteek hala eskatuta), modu honetan 2014ko errenta aitortpena hartuko litzake kontuan.

Luix Intxausperen aurkezpena amaitu denean, Aztikerreko dinamizatzailea den Maitane Barrenetxeak Udal Aurrekontuen inguruko partaidetza prozesu honek izango dituen fase eta urrats ezberdinak zeintzuk izango diren argitu du:



Aurtengo prozesuak badu berezitasun bat, izan ere, **Gipuzkoako Foru Aldundiak** ere partaidetza prozesu bat jarri du Aurrekontuen inguruan. **Beste 500.000€ jarri dituzte erabaki gai Buruntzaldeako Eskualderako**. Ikuspegi honetatik, Hernanin proposamenak jasotzeko garai honetan, bi arloetako proposamenak jasotzen ari gara. Ondoren bereiziko ditugu Aldundiaren prozesuan jarraituko duten proposamenak, eta Udalaren prozesuan jarraituko duten proposamenak.

2. BEHARRIZANAK

Aurkezpenaren ostean, gaurkoan lantzeko izango ditugun gaien inguruko eztabaidari ekin zaio. Eztabaida honen helburu nagusia herriaren egungo egoera aztertzea izan da arlo horiei dagokionean.

Horretarako erabili dugun dinamika arlo bakoitzaren indargune eta ahulguneak identifikatzera bideratua egon da. Bi galdera nagusiri erantzun diete herritarrek:

- Gaur egun arlo honetan dagoenaren inguruan **zer AZPIMARRATUKO zenuke?**
- Zein uste duzu dela arlo honetako **HUTSUNE nagusia?**

Galdera hauei erantzunez, herritarrek euren ekarpenak egin dituzte arloka:



HEZKUNTZA

Gaur egun dagoenaren inguruan zer AZPIMARRATUKO zenuke?	Zein uste duzu dela HUTSUNE nagusia?
<ul style="list-style-type: none"> Lehen Hezkuntzaren eremua eskoletara mugatzen zela, eta gaur egun herrian lantzen den zerbait dela, badagoelako jendea gai honekin arduratuta. Hezkuntza, baikorra! Hezkuntza publikorako aukera anitza Ona baloratzen da Hezkuntza taldeak egiten duen lana Harremonak egitasmoa, ikastetxeetan, oso garrantzitsutzat hartzen dut. Nahiz eta hezkidetza arlo guztietan landu beharra izan. Aukera zabala Bateratasun premia 	<ul style="list-style-type: none"> Masifikazio handiak. Eta hezkuntza antolatuegia. Haur txoko edo fune baten beharra 0 – 5 urte bitarteko haur eta gurasoek erabili dezakten. Hezkidetza egitasmo bat ikastetxe eta ziklo guztietarako. Haurren parte hartze prozesua. Herria ez dago haurrak lasai kalean ibiltzeko egokituta. Parkeek ez dute aukera asko eskaintzen. Denak berdinak dira. Hezkuntza formalean batzuk aukera gabe. Eguraldi txarrarekin hurrekin aukerarik ez. Hizkuntza erabilpenaren eskasia umeen artean. Euskararen lanekta erginkorragoa. Ez dago adin txikikoen aisialdirako eremu egokirik, batez ere neguan, tabernetan ed polideportiboan egotea da aukera bakarra, liburutegia astebukaeratan ere itxia baitago. 0 – 5 urte arteko haurrentzako espazio itxi baten falta. Espazioak falta dira eskolatik kanpo landu ahal izateko, elkartzeko, hitz egiteko, konpartitzeko... Haur txikientzat parkeak Haurren hiria, Tonucci.

KULTURA

Gaur egun dagoenaren inguruan zer AZPIMARRATUKO zenuke?	Zein uste duzu dela HUTSUNE nagusia?
<ul style="list-style-type: none"> Musika eskola izatea Herri bizia, talde asko. Ekitaldi eta programa ugari. Programazio zabala (Hernani "aktiboa" da) 	<ul style="list-style-type: none"> Gune edo lekuaren falta. Daten bikoizketak, planifikazio falta. Azpiegurak, eta baliabide teknikoak, materialak eta fisikoak. Azpiegituren optimizazioa. Eszenatoki egoki baten falta

3. PROPOSAMENAK

Hausnarketaren ondoren, nahi izan duen herritar orok proposamenak luzatzeko tartea ireki da. Horretarako herritar bakoitzak fitxa bat bete du, eta ondoren, norberak talde osoari aurkeztu dio.

HEZKUNTZAren arloko proposamenak

- *Haur gunek bat 0-5 urte bitarteko haurrentzat*
- *Hezkidetzaren egitasmo bat hezkuntza ziklo guztietan*
- *Haurren prozesuaren parte hartzailea*
- *Haur gunek bat izatea Hernanin. Ume txikiekin egon, jolastu... gunek bat. Beste gurasoekin kezkak, etab. konpartitu*
- *0-3 urterako parke egokitua*
- *0-5 urte bitarteko haurrentzat espazio itxi bat.*

KULTURAren arloko proposamenak

- *No hay espacio en buenas condiciones para actuaciones de teatro, música, baile, etc. Creemos que es una necesidad compartida.*

4. HURRENGO URRATSAK

Proposamen guztiak amaitu ostean Aztikerreko dinamizatzailleek prozesu honek izango dituen hurrengo fase eta urratsen berri eman dute:

- ✓ Proposamenak egiteko epea apirilaren 30ean bukatuko da. Ordura arte, herritar orok proposamenak egiten jarraitzeko aukera izango du.
- ✓ Prozesu honetan jasotzen diren proposamen guztien **aurkezpen publikoa egingo da, maiatzaren 6an**, arratsaldeko 19:00etan Udaletxeko Areto Nagusian.
- ✓ **Ekainaren 10ean** herritarrek egin dituzten proposamenak baloratzeko eta Udal Aurrekontuan zeintzuk txertatuko diren baloratzeko **irizpideen inguruko eztabaida** emango da. Saio hau nahi duen herritar ororentzat irekia izango da, eta Talde eragileko partaideak ere bertaratuko dira.
- ✓ Ondoren, **Udan, balorazio tekniko eta ekonomiko** egiteko tarteak izango dira.
- ✓ Irailetik aurrera, proposamen guztien artean 2016eko Udal Aurrekontuetan txertatuko ditugunak zeintzuk izango diren zehaztu beharko dugu saio irekien bitartez.

5. SAIIOAREN BALORAZIOA

Saioan parte hartu izanagatik eskerrak emanez, bukatutzat eman da bilera 2015eko apirilaren 23ean, 20:00etan